



魏新河(北京)

浣溪纱·信宿苎萝村
化作西湖水一方，肯教魂梦向横塘。越溪草树至今香。
倾国人归倾国事，浣纱石在浣纱江。今宵西子是同乡。

注：李白《送祝八之江东赋得浣纱石》：浣纱古石今犹在。

眼儿媚·丁酉岁不尽二日自京赴河间道中

寒林平野淡烟疏，故国入黄芜。
天涯何处，人生何日，不在归途。
几番岁晚冰霜里，早已识乘除。
春风纵好，而今只有，断梦难苏。

清平乐·经罗浮山谒朝云墓

罗浮梦好，恐被梅花恼。一曲残红歌未了，来哭天涯芳草。
高情只在云霞，西湖生死为家。笑我风前

老泪，双弹不到杨花。

姚江(衢州·开化)

枫情谷
两壁千峰人迹稀，因寻名胜绿中迷。
枫丹红叶未题字，已自飘然过碧溪。

林区

居家无所有，独守一山青。
出谷云奔月，揽风春哢晴。
蜂怜花事少，泉洗石苔增。
识得云翻处，松林雨又生。

桂花

偏为秋寒暗蕴香，悲凉树杪一鸣蟬。
吴刚酿得桂花酒，长使人间醉夕阳。

陈书英(江西·靖安)

游茶立方



谁拓梯田耸翠天？上山公路总盘旋。
亭栏远眺炊烟处，细品茶香落月圆。

江南第一漂白云峰漂流

一峰临五县，雾与白云悠。
波急船相撞，瀑飞泉自流。
千舟同击浪，百鸟共鸣洲。
水动山浮影，闻香画里游。

高怀柱(山东·莘县)

山中访友

曲径风吹面，清溪望有村。
鸟啼藏竹坞，烟起绕篱门。
入座天还早，归时日已昏。
短桥相送罢，山月照行人。

春过城南村

田野呈春景，江流映碧空。
风吹溪柳舞，人过板桥通。
忆旧鶲声里，推杯笑谈中。
不知天色晚，花落拂帘风。

张忠梅(上海)

游沈园二首

久慕沈园思放翁，柳丝荡漾意朦胧。
一吟三叹钗头凤，哀怨声声诉寸衷。

二

江南古邑净无尘，老柳沈园新焕春。
一曲悲歌唱千古，人间最贵是情真。

向明月(四川·成都)

蝶恋花·小城烟火(二首)

一

人不看花花自媚。又是秋光，庭院红飘坠。周末小锅烟火志。亲朋三五融融醉。蝶舞鸟鸣瓜并蒂。不是仙山，更富平生味。微信条条圈里美。明朝更有争先意。

二

笑趁浮萍烟雨里。人醉城香，多少新相识。蜀道轶闻犹听说。一锅美味江潭水。三省通衢商旅喜。高速条条，高铁穿山抵。黄雀轻啼枝可寐。停车未有离开意。

赵元奎(青海·大通)

黑泉水库

借问何能尔？天波到此来。
愿凭一叶橹，度我去瑶台。

注：黑泉水库在青海省大通县宝库乡。

元宵节

节到元宵月照明，长街十里摆花灯。
回家新妇孩儿气，连跳娘家冒火营。
注：青海农村习俗，新婚夫妇回娘家过元

宵节，叫“躲灯”。元宵节晚上各家门前放几堆麦草，点燃，从上面跳过，叫“跳冒火”。

齐周梦(安徽·安庆)

春日登古塔览胜(二首)

一

纵然老后却情多，扶杖登高似着魔。
未晓东方先见日，为因此处最嵯峨。

二

晓日才升亮绿窗，云霞七彩啸吟腔。
一城烟景桃源外，半赖青山半赖江。

忆远偶题

千年离去尚能归，十载京都胡久违？
空羡梁间对栖燕，双回双出尽情飞。

刘光军(河北·邯郸)

过南溪桥

梦里溪桥远岫间，扶筇扣节望樵山。
石栏照水两相看，去自潺湲留自闲。

深 秋

寒深但觉凝重霜，落寞秋荷野水塘。
凋尽朱颜羞照水，借来薄雾补残妆。

山中人家

篱笆三尺乱花开，一院春光染绿苔。

无锁柴扉闲半闭，还看红杏出墙来。

傅祖民(浙江·丽水)

却金馆遣怀

伫立何公却金处，清风拂面令钩沉。
为官自律如君者，不负当年廉吏心。

浣溪沙·天师楼采风

问道仙居山水间，野村云树几回环。
通幽突兀现雄关。百仞巉崖开画幛，千秋丹穴袅岚烟。伊人不见怅凭栏。

钟继红(四川·遂宁)

登高峰山

为寻幽古见高峰，玉笔孤直入九穹。
云树烟峦开画境，水帘雾壑赋心衷。
斜阳穿罅红苔藓，老柏流光绿道宫。
仙乐飘飘紫霞染，敛衣叩首拜聃翁。

浣溪沙

飒飒秋风野渡凉，寒鸦数点下斜阳。
芦花烟渚遍飞霜。一棹孤舟云水远，几声唉鹤暮天长。人间忽觉路茫茫。

张 英(吉林·永吉)

在江南



花开莫忆落花时，烟雨江南处处诗。
秀水繁枝常梦系，青山细蕊总神驰。
投身易得三分醉，放眼难凭半寸思。
欲把芳香赊几缕，归来不许步迟迟。

雨后独行

雨濯新枝后，翩然自在身。
穿林衣带露，渡径袖沾春。
雾气匆匆散，山花历历真。
归来天已暮，不染一丝尘。

无 题

笔抵深宵作画难，偷来满月照长安。
几回梦里庭中坐，一片春心借柳弹。

鲁亚光(山东·微山)

冷水滩

滩流冷水湘江上，揽胜零陵古已名。
远眺四明高万仞，犹闻舜帝壑中行。

题白云山

白云绿谷对苍天，风起丛篁曳紫烟。
石印高峦留怪迹，洞藏丽水积灵泉。
龙潭万仞珠帘落，福寺千年梵义传。
瀑下银河龙出海，幽林深处结仙缘。

刘 健(四川·雅安)

踏莎行·春江放歌

燕舞烟涛，莺歌碧树，春江渺渺

楼船渡。波摇云影水连天，青山隐隐晴光路。
明月清风，疏星冷露，绿杨堤畔渔家宿。桂华今夜又无眠，
银辉正照花阴处。

忆秦娥·平羌晚渡

月朦胧，画船已近廊桥东。廊桥东，迷离灯影，溢彩飞虹。
流光满照清波红，平羌月映霜华浓。霜华浓，天清气爽，夜色迷蒙。

张建华(重庆·南川)

山海关

背山面海一雄关，烽火依稀泪血斑。
越岭方知山有路，凭栏更晓海无阑。
金城铁壁游何炽，明月清风心自闲。
历代兵家征战处，层楼高矗耀尘寰。

张 羽(江西·万载)

夏日龙湖晚眺

一湖碧水黛峰环，归晚沙鸥戏苇间。
树杪斜阳天际外，犹留几抹画青山。

夜吟偶得

稀疏星子散青天，灯火阑珊照不眠。
觅句寻章无得处，水中明月写新篇。

陈其良(浙江·瑞安)



踏莎行·漫步苏堤春晓

雾敛风微，地寒春嫩。六桥连锁长蛇阵。回澜花港驻吟鞍，金鳞频接人飞吻。杨柳情丝，海棠风韵。芳心醉倒无须问。天年如是久长时，诗田有待朝朝垦。

梁金余(浙江·乐清)

丙申十月登白龙山

秋日雁飞鸣，骋怀携友行。
长河横阡陌，岚气贯楼城。
丹桂怀中落，青云足下生。
临风轻举手，几可把天撑。

赞中国工艺大师虞金顺老先生 德艺双馨

一截黄杨一世情，风骚占尽五湖名。
尤叹老骥心千里，风雨刀雕大道行。

蓝旭志(广西·南宁)

冬游三甲攀岩小镇

万里晴云万里天，驱车又到绿杨前。
临村竹径鸣仙鹊，傍水亭台系画船。
座煮鱼羊延客醉，篱爬瓜豆入窗鲜。
青山无数杯中漾，尽赋攀岩锦秀篇。

挽余光中先生

芦花似雪覆汀洲，游子飘摇志未酬。
梦断沧浪应怅望，魂归故里可安休？



填平台海三生愿，载满乡情一叶舟。
华夏复兴随日近，青山万里慰公愁。

靳朝忠(四川·叙永)

红色文化旅游胜地鸡鸣三省行吟

石厢子点将台

三省鸡鸣迎旭日，将军勒马此登台。
挥鞭直指扎西路，万树梅花破雪开。

岔河村

乌蒙气势峡江魂，黔蜀滇山共举樽。
一自赤蹄呼啸过，人间识得岔河村。

丁酉仲春海涯听琴

赤水汤汤起峡音，彝乡红雨湿心襟。
此行最是动情处，古寨海涯听月琴。

汪继桥(广东·深圳)

荔林湖影

湖陂荔树盈佳果，半水殷红半绿波。
一曲笙箫传岭外，白鸥盘绕踏飞歌。

天净沙·村居

黄丝白蕊篱笆，古诗萧管清茶，
瘦竹摇风峻雅。春秋冬夏，淡泊人爱田家。

知 硕(浙江·海宁)

游广福寺

山上东风吹柳斜，趁闲独步到僧家。
共茶半日忍相问，何事如来笑捏花？

季传富(湖南·岳阳)

过丁桥港桥

桥上疏风溪上来，花香浑似酒倾杯。
一株一簇寻将去，今日无妨醉几回。

家

参差城廓硖川斜，迢迢东风何处家？
三里亭和三里港，几株杨柳隔桃花。

姚晰频(浙江·海宁)

访梅里四首

梅园梅

骨红烂漫倚虬枝，绿萼轻妆托素姿。
莫怨梅溪春访早，阿谁碌碌探花迟。

梅园柳

鹅黄带绿降丝纶，线眼惺忪复细嗔。
谁道梅开春已半，翻飞轻拂我惟新。

梅园石

前世应为马食槽，今生翻作石山豪。
聚贤静候风情客，共把梅音避市曹。

梅园竹

春风写影应堪期，叶叶妍歌发素枝。
不觉心头绕坡甸，听音驻足憩神思。
(东坡有句云“宁可食无肉、不可居无竹”)

洞庭幽景

如画重湖波不闲，渔歌起伏水云间。
玉枝钓得蛙声起，对岸朝霞捧出山。

池 塘

风将烟雨一撩开，鸟语蛙声招客来。
对岸浣衣长辫女，碧池认作化妆台。

潘海源(广西·蒙山)

过巴勒玻璃栈道

见有围栏正敢行，些些寒意暗中生。
白云片片身边过，翠鸟啾啾脚下鸣。
愿寄空无犹可信，心怀实在不须惊。
一朝去得虚荣念，任尔时时讲透明。

宋 剑(贵州纳雍)

路尾坝皓月楼上晚眺

独立高阁云水间，好风袖满意翩翩。
寒塘隐约孱孱柳，正迓千峰下夕烟。

路尾坝残荷

路尾风光任尔裁，夕烟瘦柳两徘徊。
荷塘一片青铜色，疑是彤云照影来。

钟怀仁(江苏·东海)

山左口采风记

冬来赤岸景胜春，红叶黄花竞写真。
裁韵不唯夸物色，更题棠下富民人。

蔡圣栋(浙江·瑞安)

题山左口乡白菊园

傲骨迎冬满苑开，如云似雪净尘埃。
任他万木多摇落，独遣暗香盈袖来。

王剑文(河北·井陉)

谒挂云列士碑

阳晞旷朗谒碑堂，松柏排兵似剑芒。
国有精神谁匹敌，弓弦愤怒指天狼。

鸡架山读碑

江山何故插倭旗？此际登临恨我迟。
峡谷犹回英烈吼，霜锋愤起虎贲师。

沈惠荣(江苏·东海)

菩萨蛮·湖滨小景

荷风传露馨香溢，清波澹澹鸥翔集。
次第画图开，祥云绕翠台。
矶头垂钓叟，端坐桐荫久。日晚懒回家，
依云听浪花。

菩萨蛮

双飞燕子携春到，红芳翠幔春光妙。
风竹漫扶琴，清音绕绿林。
谁持油纸伞，影映晨霞暖。三二探幽人，
相行游渡津。



石洋湖生态风景区

石洋初访日融融，篁屿山峦翠色茏。
云化溪流松涧北，霜红枫叶石桥东。
碧波泛泛荡舟影，白鹭翩翩掠晓风。
莫待肴香酒浓烈，湖光早已醉诗翁。

“山水高楼”印象

凝绿拖蓝染客衣，寨寮山水最依依。
澄潭数眼明如镜，青嶂千寻看欲飞。
翠竹摇风声细细，晴空悬瀑雨霏霏。
一行雁影清溪上，欲度烟霞带梦归。

叶爱莲(浙江·丽水)

戊戌大年初二游九龙湿地

旧寒远去景催春，日丽香风拂野匀。
水面瘦枝痴倩影，一波惊醒岸边人。

摄 梅

雨雪蒙蒙寒自知，眼前疏影压南枝。
一花独放千人诵，玉色摄来赋小诗。

孔繁都(浙江·玉环)

浪淘沙·登丽水遂昌千佛山

丽水最高峰。石佛遗踪。秋风瑟瑟落红枫。
雾绕云遮南九寨，宛若仙宫。极目任从容。
曲岭松风。悬崖瀑布四方通。大吼三声千壑响，乐在其中。